

ՀԱՅԱՍՏԱՆԻ ԱՐԶՄԻՈՒԹԵՆԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ
ԳՈՐԾՈՒՆԵՈՒԹՅՈՒՆԸ ԿՈՒՍԱԿՑՈՒԹՅԱՆ ՍՈՑԻԱԼԱԿԱՆ
ՔԱՂԱՔԱԿԱՆՈՒԹՅԱՆ ԻՐԱԿԱՆԱՑՄԱՆ ՈՒՂՂՈՒԹՅԱՄԲ
(1971—1975)

ՌՈՒԲԵՆ ՄԻՐՋԱՆԱՆՅԱՆ

ՍՄԿԿ XXIV համագումարը նախանշեց սովետական ժողովրդի բարեկեցության աճի լայն ծրագիր՝ այն սահմանելով որպես կուսակցության տնտեսական քաղաքականության բարձրագույն նպատակ։ 9-րդ հնգամյակի տարիներին (1971—1975) բնակչության մեկ շնչին ընկնող եկամուտներն աճեցին գրեթե մեկ քառորդով։ Բարելավվեցին 56 մլն մարդու բնակարանային պայմանները, 40% -ով աճեցին սպառման հանրային ֆոնդերից տրվող վճարումներն ու արտոնությունները¹։ Կուսակցության առօրյաական քաղաքականության առավել խոշոր միջոցառումը նյութական արտադրության ճյուղերում բանվորների ու ծառայողների նվազագույն աշխատավարձի բարձրացումն էր ամսական մինչև 70 ռ.։ Այդ նպատակներով ծախսվեց ավելի քան 9 մլրդ ռ., մեկ տարվա հաշվով աճեցին ավելի քան 75 մլն մարդու եկամուտները²։

ՍՄԿԿ XXIV և XXV համագումարների միջև ընկած ժամանակաշրջանում արհմիությունները կուսակցության առօրյաական ծրագրի իրականացման աշխտիվ մասնակիցներն էին։ Կենսագործելով ՍՄԿԿ XXIV համագումարի որոշումները, Հայաստանի արհմիությունները, պետական մարմինների հետ համատեղ, զգալի աշխատանք կատարեցին աշխատանքի կազմակերպման ու վարձատրման և աշխատավորների կենսաթոշակային ապահովության կատարելագործման ուղղությամբ։ ՍՍՀՄ Գերագույն սովետի նախագահության՝ «Բանվորների և ծառայողների ծերության կենսաթոշակի նվազագույն չափի բարձրացման մասին» և «Կուլտնտեսականների կենսաթոշակային ապահովության հետագա բարելավման միջոցառումների մասին» հրամանագրերի կապակցությամբ ՀԱՄԽ-ի նախագահությունը համակողմանի օգնություն էր ցույց տալիս սոցիալական ապահովության մարմիններին՝ կենսաթոշակների վերահաշվարկման աշխատանքները ժամանակին կատարելու գործում։ Նախագահության հատուկ որոշմամբ հսկողություն սահմանվեց այն բանի նկատմամբ, որ վերահաշվարկը կատարվի յուրաքանչյուր այն կենսաթոշակառուի համար, ում վրա տարածվում էին կենսաթոշակի նվազագույն չափի բարձրացման վերաբերյալ հրամանագրերը, որպեսզի նրան հասնող կենսաթոշակը վճարվի սահմանված ժամկետներում³։ 9-րդ հնգամյակի տարիներին Հայաստանում կենսաթոշակների և նպատների չափերի ավելացման շնորհիվ աճեցին 190 հազար մարդու եկամուտները։ Մերության կենսաթոշակները 1971 թ. համեմատությամբ ավելացան 24, իսկ հաշմանդամության կենսաթոշակները՝ 52,4% -ով⁴։

Առաջնորդվելով Հայաստանի կոմկուսի Կենտկոմի ու հանրապետության կառավարության ցուցումներով արհմիութենական կազմակերպությունները նշանակալի բացատրական աշխատանք կատարեցին կոլեկտիվներում, ուժե-

¹ «ՍՄԿԿ XXV համագումարի նյութերը», Երևան, 1976, էջ 54։

² «История профсоюзов СССР», М., 1979, с. 232.

³ ՀԱՄԽ-ի միացյալ արխիվ, ֆ. 1, ց. 2, գ. 6, Բ. 6։

⁴ Նույն տեղում, գ. 125, Բ. 289։

ղացվեց հսկողությունը հիվանդաթերթիկների ներկայացման և նպաստների վճարման նկատմամբ⁵։

Իրականացնելով ՍՄԿԿ XXIV համագումարի դիրեկտիվները, ՍՍՀՄ Գերագույն սովետի նախագահությունը 1974 թ. սեպտեմբերի 25-ին հրամանագիր ընդունեց «Կարիքավոր ընտանիքների երեխաների համար նպաստներ սահմանելու մասին»։ Հայաստանի կոմկուսի Կենտկոմի որոշմամբ կուսակցական և արհմիութենական կազմակերպություններն իրականացրին բացատրական լայն աշխատանք՝ պարզաբանելով ընդունված որոշման նշանակությունն ու բովանդակությունը, Նոկտեմբերի 15-ին հանրապետության ձեռնարկություններում ու կազմակերպություններում սանդղավեցին նպաստներ նշանակող հատուկ հանձնաժողովներ, արհմիութենական մարմինների կողմից հսկողություն սահմանվեց նպաստների նշանակման և վճարման նկատմամբ⁶։

Ուսումնասիրվող ժամանակաշրջանում, իրականացնելով կուսակցությունն որոշումները, Հայաստանի ձեռնարկությունների և հիմնարկների կուսակցական ու արհմիութենական կազմակերպությունները պլանաչափ աշխատանք էին կատարում աշխատավորների աշխատավարձի վճարման կաղանկերպումը կատարելագործելու ուղղությամբ։ Ձեռնարկությունների կուսակցական և արհմիութենական կազմակերպությունները մշակեցին և իրականացրին մի շարք միջոցառումներ՝ նպաստակ ունենալով բանվորներին ու ծառայողներին ծանոթացնել աշխատավորների աշխատավարձի բարձրացման վերաբերյալ կուսակցության և կառավարության որոշումներին։ Սակայն որոշ ձեռնարկություններում թերություններ կային բանվորների ու ծառայողների աշխատավարձի վճարման գործում։ Այսպես, Հայաստանի արհմիությունների խորհուրդը պարզեց, որ հայկուղտնտեսիկայի Սեանի և Հրազդանի շրջանային միավորումներում գորող բանվորների աշխատանքը վարձատրվում էր սահմանվածից ցածր տարիֆներով։ Արհմիությունների խորհուրդի նախագահությունն անհապաղ միջոցներ ձեռնարկեց Սեանի ու Հրազդանի շրջանների գյուղատնտեսիկայի աշխատողների աշխատավարձը ճիշտ հաշվարկելու և ժամանակին վճարելու ուղղությամբ⁷։

Կուսակցությունը մեծ ուշադրություն է նվիրում բանվորների և ծառայողների աշխատանքի պահպանության հարցերին։ 9-րդ հնգամյակի տարիներին մեր երկրում աշխատանքի պայմանների և պահպանության բարելավման համար նախատեսված պետական հատկացումները 8-րդ հնգամյակի համեմատությամբ աճեցին 40%-ով և կազմեցին շուրջ 15 մլրդ ռ.⁸։ Ընկ XXXVI համագումարում նշվեց, որ Հայաստանի կոմկուսի Կենտկոմը, աշխատանքի պահպանության հարցերը համարելով հանրապետության արհմիությունների գործունեության մեջ հիմնականներից մեկը, բազմիցս աշխատանքի պահպանության և ալո ուղղությամբ արհմիությունների գործունեության հետ կապված հարցեր է քննարկել Կենտկոմի պլենումներում ու բյուրոներում, կուսակցության քաղաքային և շրջանային կոնֆերանսներում, կուսակցության քաղկոմների ու շրջկոմների պլենումներում և բյուրոներում, սկզբնական կուսակցական կազմակերպություններում։ Համագումարում նշվեց, որ 9-րդ հնգամյակի տարիներին զգալիորեն աճել են աշխատանքի պահպանության միջոցառումների համար նախատեսված պետական հատկացումները։ 65 մլրդ ռ. էր ներդրվել բանվորների և ծառայողների աշխատանքի պահպանության միջոցառումների համար, որի շնորհիվ արտադրական տրավմատիզմը հանրապետությունում նվազեց երեք անգամ⁹, այն ղեպքում, երբ այն 8-րդ հնգամյակի ըն-

⁵ Նույն տեղում, ց. 3, գ. 104, թ. 151։

⁶ Նույն տեղում, գ. 7, թ. 7։

⁷ Նույն տեղում, գ. 104, թ. 51—53։

⁸ «Советские профсоюзы», 1976, № 3, с. 33.

⁹ ՍՄԿԿ Կենտկոմին առըթև մարքսիզմ-լենինիզմի ինստիտուտի հայկական մասնաճյուղի կուսարիկ (այսուհետև ՍԼԻ ՀՄԿՆ), ֆ. 1, ց. 118, գ. 19, թ. 198։

խառնում իրել էր երկու անգամ¹⁰։ Կատարելով ՀԿԿ Կենտկոմի ցուցումները, հանրապետության արհմիութենական կազմակերպությունները զգալի աշխատանք կատարեցին բանվորների և ծառայողների աշխատանքի պահպանության ուղղությամբ, ժամանակին ձեռնարկվեցին գործուն միջոցներ՝ նպատակ ունենալով նվազեցնել արտադրական տրավմատիզմը, տարածել այն ձեռնարկությունների առաջավոր փորձը, որտեղ բանվորների և ծառայողների աշխատանքի պահպանության հարցերը դրված էին պատշաճ բարձրության վրա։

Հայաստանի արհմիությունների XIV համագումարում (1972 թ. փետրվարի 1—2) նշվեց, որ ՀԱՄԿԿ-ի 9-րդ պլենումի որոշումների համաձայն հանրապետության մի շարք միջխտրություններ ու գերատեսչություններ, ճյուղային արհմիությունների հանրապետական կոմիտեների հետ համատեղ, մըշակել և իրականացնում են աշխատանքի պայմանների բարելավման, ձեռքի ծանր աշխատանքի մեքենայացման կոմպլեքսային միջոցառումների 1971—1975 թթ. պլանները, որին ակտիվ մասնակցել են ֆարերկագործարանային տեղական կոմիտեների աշխատանքի պահպանության հանձնաժողովներն ու հասարակական տնտեսներ¹¹։ Բանվորների ու ծառայողների աշխատանքի պահպանության հետ կապված հարցերը պարբերաբար քննարկվում էին Հայաստանի արհմիությունների խորհրդի նախագահության պլենումներում և նիստերում։ Արհմիությունների 13-րդ պլենումում (1971 թ. մայիսի 11) մատնանշվեց աշխատանքային օրենսդրության կատարման, աշխատանքի կազմակերպման և պահպանության գործերի անբավարար վիճակը Երևանի տպարաններում։ Ընդգծվեց, որ ռիթմիկ աշխատանքի բացակայության հետևանքով քաղաքի տպարաններում աշխատում են նաև արտաշխատանքային ժամերին, այն դեպքում, երբ աշխատածամանակի պարապուրդները նույնպես խիստ զգալի են։ Այսպես, օրինակ, Երևանի պոլիգրաֆիական կոմբինատում 1971 թ. առաջին եռամսյակի պարապուրդները կազմել էին 2125 ժամ, իսկ արտածամյա աշխատանքը՝ 3971 ժամ, որից 2500 ժամը՝ գործարկումի թուլությունով։ Պլենումը կոլտուրայի աշխատողների արհմիության հանրապետական կոմիտեն հանձնարարեց ամենակարճ ժամկետում պատշաճ միջոցներ ձեռնարկել նման փաստերը կանխելու համար¹²։

Հայաստանի արհմիությունների XIV համագումարում նշվեց, որ մեծ չափերի է հասնում դժբախտ պատահարների թիվը հանրապետության գյուղատնտեսության սիտեմում։ Միայն 1971 թ. առաջին կիսամյակում հանրապետությունում տեղի ունեցած բոլոր դժբախտ պատահարների 21%-ը բաժին էր ընկնում գյուղատնտեսությանը¹³։ Բնականաբար, նման իրավիճակը մեծ անհանգստություն էր առաջացնում կուսակցական և արհմիութենական կազմակերպություններում՝ սկսած սկզբնական կազմակերպություններից և վերջացրած ՀԿԿ Կենտկոմով և արհմիությունների կենտրոնական խորհրդով։ Գյուղատնտեսության բանվորների և ծառայողների աշխատանքի պահպանության հետ կապված հարցերը սկսեցին ավելի հաճախ քննարկվել կուսակցական և պետական մարմիններում։ 9-րդ հնգամյակի տարիներին այդ ուղղությամբ իր աշխատանքը զգալիորեն ակտիվացրեց գյուղատնտեսության և մթերոմների բանվորների ու ծառայողների արհմիության հանրապետական կոմիտեն։ Հայաստանի արհմիութենական կազմակերպությունների համար գործողության ուղեցույց ծառայեց ՍՄԿԿ Կենտկոմի, ՍՍՀՄ Միջխտրների խորհրդի և ՀԱՄԿԿ-ի 1971 թ. ապրիլի 14-ի՝ «Գյուղատնտեսության մեջ աշխատանքի պայմանների բարելավման և միխանիզատորական կադրերի ամրացման միջոցառումների մասին» որոշումը։ Որոշմամբ նախատեսված միջոցառումների կատարման շնորհիվ միխանիզատորական կադրերի հոսունությունը նշանակալիորեն նվազեց և բարելավվեցին ոչ միայն միխանիզատորների, այլև գյու-

¹⁰ ՀԱՄԿԿ-ի միացյալ արխիվ, ֆ. 1, ց. 2, գ. 86, թ. 31։

¹¹ Նույն տեղում, թ. 32։

¹² Նույն տեղում, գ. 69, թ. 33—34։

¹³ Նույն տեղում, գ. 96, թ. 34։

զատնտեսության աշխատողների մյուս ջոկատների աշխատանքի պայմանեները: Գյուղատնտեսության մեջ արտադրական տրամադրված 9-րդ հնգամյակի տարիներին նվազեց 67%-ով¹⁴, Դրան նպաստեցին մի շարք միջոցառումներ, որոնց թվում վճռական դեր խաղաց սկզբնական կուտակցական կազմակերպությունների կողմից աշխատանքի պահպանություն հանձնաժողովների գործունեության, հասարակական տնտեսության աշխատանքի հաջող ղեկավարումը, ամենօրյա աշխատանքում նրանց ցույց տրվող օգնությունը:

Ինչպես հայտնի է, թունաքիմիկատների օգտագործումը դարձել է գյուղատնտեսական արտադրությունը հաջողությամբ վարելու պայմաններից մեկը։ Մակայն թունաքիմիկատների լայն կիրառումը պահանջում է կատարել անվտանգության տեխնիկայի կանոնները՝ դրանց պահպանման, փոխադրման և օգտագործման ժամանակ։ 9-րդ հնգամյակի տարիներին Հայաստանում կառուցվեցին թունաքիմիկատների պահպանման նոր տիպային պահեստներ, ներդրվեցին մարդկային օրգանիզմի համար սակավ վտանգավոր թունաքիմիկատներ, աշխատանքային շատ պրոցեսներ մեքենայացվեցին։ Արհմիությունների հանրապետական խորհուրդը 1973 թ. հունիսի 5-ին ուսումնասիրեց թունաքիմիկատների օգտագործման վիճակը Հայկական ՍՍՀ Արտաշատի և Կամոյի շրջաններում։ Այդ առթիվ խորհրդի ընդունած որոշման մեջ նշվում էին հաջողություններն ու թերությունները և տրվում հանձնարարականներ՝ թունաքիմիկատների օգտագործման ժամանակ անվտանգության տեխնիկան բարձրացնելու նպատակով¹⁵։ Ուսումնասիրվող ժամանակաշրջանում անվտանգության տեխնիկայի պահպանման մակարդակի բարձրացումը բացատրվում էր նաև որակյալ կադրերի նշանակալից ավելացմամբ։ Եթե մինչև 1971 թ. Հայաստանում գործում էին միայն գյուղական 2 պրոֆտեխուսումնարան, որոնք տարեկան տալիս էին 250—300 շրջանավարտ, ապա հնգամյակի վերջին գյուղական պրոֆտեխուսումնարանների թիվը հասավ 12-ի, որտեղ սովորողների ընդհանուր թիվը կազմում էր 4.500 մարդ (անասնապահական ֆերմաների ապագա մեխանիզատորներ, վարորդներ, փականագործներ, տրակտորիստներ, մեքենավարներ և այլն)¹⁶։

Այդ տարիներին աշխատանքի անվտանգ պայմանների ստեղծման գործում կարևոր է հրատապ խնդիրներ էին ծառայել նաև Հայաստանի էլեկտրականայանների և էլեկտրատեխնիկական արդյունաբերության բանվորների ահմիության հանրապետական կոմիտեին ենթակա արհմիութենական կազմակերպությունների առջև: Ժյուղի ձեռնարկությունների կողմից իրականացվում էր Հայաստանի տոմային էլեկտրականի, Հրազդանի ՀէԿ-ի, Որոտանի հիդրոէլեկտրականների կասկադի, Արփա-Սևան հիդրոտեխնիկական համալիրի շինարարությունը, գործող ջերմային ու հիդրավիլի էլեկտրակայանների և էլեկտրական ցանցերի շահագործումը, թողարկվում էր էլեկտրատեխնիկական արտադրանք: Հնգամյակի տարիներին Հայաստանի էներգետիկայի և էլեկտրատեխնիկական արդյունաբերության ձեռնարկություններում մասնագետների և արհմիութենական ակտիվիստների լաւն մասնակցությամբ մշակվեցին աշխատանքի պայմանների և պահպանության բարելավման կոմպլեքսային պլաններ, որոնցում արտացոլվեցին աշխատատար աշխատանքների ավտոմատացման և մեքենայացման, արտադրության կոլտոլրայի բարձրացման հետ կապված մի շարք հարցեր: Պլանների կազմվեցին հնգամյակի յուրաքանչյուր տարվա համար: ՀԱՄԿ-ի օրգան ՎՍՄԿ-ի պրոֆսոյուղի հանդեսը գրեց կոմպլեքսային պլանների մշակման և ներդրման ուղղությամբ մեր հանրապետության մի շարք ձեռնարկությունների աշխատանքի առաջավոր

14 ՀՍՍՀ Հոկտեմբերյան հեղափոխության և սոցիալիստական շինարարության պետական կենտրոնական արխիվ (այսուհետև՝ ՀՍՍՀ ՀՀՍԵ ՊԿԱ), ֆ. 878, ց. 2, գ. 18, թ. 154:

¹⁵ «Տեղեկագրեր Հայաստանի արհեստակցական միությունների խորհրդին, № 3, Երևան, 1979, է. 13-16:

16 2002 2207 944, \$, 878, 4. 18, P. 146:

փորձի մասին¹⁷։ Հանդեսը մասնավորապես բերել էր «Հայէլեկտրալույս» արտադրական միավորման գլխամասային ձեռնարկության՝ Նրևանի էլեկտրալամպերի գործարանի օրինակը։ Կոմպլեքսային պլանն այդ ձեռնարկությունը հաջողությամբ էր կատարում։ Իրականացվել էին այնպիսի խոշոր միջոցառումներ, ինչպես սառը լուսարձակման արտադրամասի կոյուղային սիստեմի վերակառուցումը, լրացուցիչ կառուցվել և վերակառուցվել էին մի շարք օդափոխիչ սիստեմներ, բարելավվել էին կենցաղային շենքերը։ Սակայն բոլոր ձեռնարկություններում չէ, որ բանվորների և ծառայողների աշխատանքի պահպանության հարցերը գտնվում էին պատշաճ բարձրության վրա։ Այսպես, Լենինականի սառնարանային կոմպրեսորների գործարանում եռահարկ գործարանային մասնաշենքի պատուհանների ապակիների մեծ մասը կտրված էր։ Գրողմահատման-մթերման, ինչպես նաև մյուս բոլոր արտադրամասերում տեղական լուսավորության լամպերը շունչին պաշտպանական ցանցեր։ Տաք զալարատաշեղները դիպչում էին լամպին՝ լցվելով ռեֆլեկտորի մեջ, այն դեպքում, երբ բանվորի դեմքը շատ մոտ էր գտնվում, որի հետևանքով չորաքանչյուր րոպե կարող էր տեղի ունենալ դժբախտ պատահար։ Գործարանում տիրող իրավիճակի մասին հանդես եկավ «Օխրանա տրուդա ի սոցիալնոյե ստրախովանիե» ամսագիրը¹⁸։ Դրանից հետո հարցը քննարկվեց Հայաստանի կոմկուսի Լենինականի քաղկոմում։ Ձեռնարկության ղեկավարությանը, կուսակցական և արհմիութենական կոմիտեներին հանձնարարվեց ամենակարճ ժամանակում վերացնել այդ թերությունները։

ՄԱԿԿ XXVI համագումարի նախանշած աշխատավորների նյութական բարեկեցության բարձրացման սոցիալական ծրագրում, մեծ ուշադրություն էր նվիրվում աշխատավորների բնակարանային-կենցաղային պայմանների բարելավմանը։ Իրագործելով կուսակցության որոշումները, Հայաստանի արհմիութենական կազմակերպություններն ուսումնասիրվող ժամանակաշրջանում որոշակի ուշադրություն էին նվիրում բնակարանային շինարարության պլաններին կատարմանը, առևտրի և կենցաղային սպասարկման ձեռնարկությունների աշխատանքի բարելավմանը։ Բնակարանային շինարարության հետ կապված հարցերը քննարկվում էին Հայաստանի արհմիութենական խորհրդի նախագահության պլենումներում ու նիստերում և ճյուղային արհմիութենների հանրապետական կոմիտեների կողմից։ Արհմիութենական որոշ կազմակերպություններ հասարակական վերահսկողություն էին սահմանում բնակարանային-կենցաղային շինարարության ընթացքի և որակի նկատմամբ։ Սակայն, ամբողջությամբ վերցրած, բնակարանային-կենցաղային շինարարության և բնակարանների բաշխման վերահսկողության ուղղությամբ հանրապետական արհմիութենների գործունեությունը գոհացուցիչ չէր։ Հայաստանի արհմիութենական կազմակերպությունները բավականաչափ լայնորեն չէին օգտագործում այն միջոցների հարուստ զինանոցը, որ իրենց տրամադրության տակ ունեն աշխատավորների ամենամասսայական կազմակերպություններն այդ կարևորագույն գործում։ 9-րդ հնգամյակի տարիներին մի շարք դեպքերում բնակելի շենքերի շինարարության և գործարկման պլանը չէր կատարվում, ծալրաստիճան ցածր էր մնում որակը։ ՀԿԿ Կենտկոմի հունվարյան պլենումը (1975 թ. հունվարի 30—31) անդրադարձավ այդ հարցին։ Պլենումում նշվեց, որ բնակարանային կոոպերատիվ շինարարության և բնակարանների ճիշտ բաշխման գործում մեծ խնդիրներ են ծառացած արհմիութենական մարմինների առջև։ Պլենումի նյութերում ընդգծվում էր, որ արհմիութենների հանրապետական խորհուրդը, ճյուղային արհմիութենների հանրապետական կոմիտեները պետք է մասսայական բանվորական վերահսկողություն կազմակերպեն բնակարանների բաշխման և դրանց օգտագործման նկատմամբ։ Ձեռնարկությունների և հիմնարկների սկզբնական կուսակցական և արհմիութենական կազմակերպությունները պետք է հատուկ հաշվառում և հսկողություն սահմանեն տեղերում բնակարանների ճիշտ բաշխման նկատ-

¹⁷ «Советские профсоюзы», 1974, № 8, с. 36—37.

¹⁸ «Охрана труда и социальное страхование», 1974, № 11, с. 35—36.

մամբ¹⁹, Հունվարյան պլենումից հետո աշխատանքը բնակարանային շինարարության և բնակարանների ճիշտ բաշխման ուղղությամբ նկատելիորեն բարելավվեց, և 10-րդ հնգամյակի ցուցանիշները բնակարանային-կենցաղային շինարարության բնագավառում զգալիորեն ավելի բարձր էին:

Հասարակական սննդի հաջող կազմակերպումը աշխատավորների կենցաղը կոմունիստական հիմունքներով վերակառուցելու կարևորագույն պայմաններից է: Կուսակցությունն արհմիությունների առջև պատասխանատու խնդիր է դնում՝ գործուն վերահսկողություն իրականացնել հասարակական սննդի ցանցի նկատմամբ, ըստ ամենայնի նպաստել ձևավորված կոմունիստական սննդի բարելավմանը: 1972 թ. հունիսի 22-ին ՀԿԿ Կենտկոմը և ՀՍՍՀ Մինիստրների խորհուրդը համատեղ որոշում ընդունեցին «Հասարակական սննդի հետագա բարելավման մասին»: Այդ որոշմամբ նախատեսվում էր ճաշարանների ցանցի զարգացում, հասարակական սննդի ձևավորված կոմունիստական սննդի ցանցի տեխնոլոգիական, առևտրական սարքավորումների, սպասարկման նոր ձևերի զարգացում և այլ միջոցառումների իրականացում: Հատուկ ուշադրություն էր դարձվում հասարակական սննդի զարգացմանը գյուղական վայրերում: Որոշման ընդունումից հետո գյուղական վայրերում բացվեցին 29 նոր բանվորական ճաշարաններ՝ 1149 տեղով, Հասարակական սննդի օբյեկտների աշխատանքը իր ուշադրության կենտրոնում էր պահում գյուղատնտեսության և մթերումների բանվորների ու ծառայողների արհմիության հանրապետական կոմիտեն: 1971 թ. հունվարին հանրապետական կոմիտեի նախագահությունը քննարկեց էջմիածնի շրջանի հասարակական սննդի ձևավորված կոմունիստական սննդի ցանցի նկատմամբ արհմիությունների մարմինների վերահսկողության հարցը: 1973 թ. մայիսին քննարկվեց հասարակական սննդի վիճակը Մարտունու շրջանի սովխոզներում: Արհմիությունների հանրապետական կոմիտեի նախագահությունը 1974 թ. փետրվարին քննարկեց հայգյուղատնտեսիկայի ճաշարանային ձևավորված կոմունիստական սննդի ցանցի վիճակը: Գյուղատնտեսության և մթերումների բանվորների ու ծառայողների արհմիության հանրապետական կոմիտեի 9-րդ պլենումի որոշումների լույսի ներքո: Կուսակցության և կառավարության որոշումների կենսագործման ուղղությամբ կատարված աշխատանքի շնորհիվ 9-րդ հնգամյակի տարիներին գյուղական վայրերում հասարակական սննդի ձևավորված կոմունիստական սննդի ցանցը նշանակալիորեն բարելավվեց²⁰:

Սոցիալական ապահովագրությունն ընդգրկում է ժողովրդի կյանքի կարևորագույն կողմերը: Այն աշխատավորներին երաշխավորում է նյութական ապահով ծերություն, օգնություն ժամանակավոր անաշխատունակության ժամանակ, ներառում է աշխատավորների առողջության պահպանության մի խումբ միջոցառումներ: 9-րդ հնգամյակի տարիներին արհմիությունների հանրապետական խորհրդի սոցիալական ապահովագրության բյուրոն աճեց 71,4%-ով, հասնելով 120 մլն ռ.: Հինգ տարվա ընթացքում սոցիալական ապահովագրության եկամուտները կազմեցին 456 մլն 709 հազ. ռ., որը 43%-ով ավելի է, քան 1967—1971 թթ. ընթացքում²¹: 9-րդ հնգամյակն իրեն հավասարը չի ունեցել առողջարանների, հանգստյան տների, տուրիստական բազաների, մարդահամալիրների շինարարության համար հատկացված միջոցներով: Ինչպես նշվեց ՀԿԿ XXV համագումարում, այդ նպատակներով հանրապետությունում հատկացվել են 80 մլն ռ. կապիտալ ներդրումներ՝ 8-րդ հըն-

19 ՄԻՍ 2ՄԿԱ, ֆ. 1, ց. 111, գ. 76, թ. 33:

20 ՀՍՍՀ 220Ե ՊԿԱ, ֆ. 678, ց. 2, գ. 18, թ. 54—60:

21 ՀՍՍՀ-ի միացյալ արխիվ, ֆ. 1, ց. 3, գ. 125, թ. 290:

գամյակի 12 մլն-ի դիմաց²², 9-րդ հնգամյակի ընթացքում սոցիալական ապահովագրության միջոցների հաշվին կամ մասնակի վճարումով միութենական ու հանրապետական առողջարաններում, պրոֆիլակտորիումներում, հանգրստյան տներում և տուրիստական բազաներում բուժվեցին կամ հանգստացան 345 հազ. բանվոր ու ծառայող՝ գրեթե 2,8 անգամ ավելի, քան 8-րդ հնգամյակի տարիներին: 9-րդ հնգամյակի վերջին հանրապետության ձեռնարկություններում ու հիմնարկներում գործում էր ամբողջ տարին աշխատող և սեզոնային 28 պանսիոնատ՝ 2500 մահճակալատեղերով, որտեղ տարեկան հանգստանում էին 15 հազար բանվոր ու ծառայող և նրանց ընտանիքների անդամներ²³: Հնգամյակի տարիներին շարք մտավ Հանքավանի առողջարանի առաջին հերթը (3000 տեղ), ավարտվեց Կիրովականի, Արզնիի և Զերմուկի նոր առողջարանների բաղմահարկ շենքերի շինարարությունը, շահագործման հանձնվեցին Սեփանի, Վարդենիսի, Մաղկաձորի, Մարտունու, Լոռիի, Ֆիլիստովի հանգստյան տների նոր շենքերը: Շարունակվում էր տուրիստական համալիրների շինարարությունը Նրեանում, Սևանում, Դիլիջանում, Լենինականում, Ստեփանավանում ու Իջևանում:

Բանվորների և ծառայողների հանգստի պայմանների բարելավման ուղղությամբ մեծ աշխատանք կատարեց Նրեանի մաթեմատիկական մեքենաների գիտահետազոտական ինստիտուտը: Ինստիտուտի աշխատակիցների համար Մաղկաձորում կառուցվեց հիանալի պանսիոնատ: Բացի այդ, 9-րդ հնգամյակի տարիներին շահագործման հանձնվեց երեք բնակելի տուն, 1000 տեղանոց ճաշարան և ինստիտուտի աշխատակիցների երեխաների համար պիոներական ճամբար՝ Մաղկաձորում²⁴:

Աշխատավորների սանատոր-կուրորտային սպասարկման բարելավման գործում հանրապետության կուսակցական և արհմիութենական կազմակերպությունների խնդիրները սահմանվեցին ՀԿԿ Կենտկոմի 1973 թ. հոկտեմբերի 2-ի որոշմամբ: Կատարելով այդ որոշումից բխող խնդիրները, Հայաստանի արհմիությունների խորհուրդը որոշակի աշխատանք ծավալեց առողջարաններին, հատկապես բժշկական անձնակազմի կոմպլեկտավորման բարելավման ուղղությամբ: Վերացվեցին համատեղության կարգով աշխատելու իրավունքի մասին օրենքի խախտման փաստերը²⁵: Ուսումնասիրվող ժամանակաշրջանում բանվորների ու ծառայողների առողջության պահպանման և նրանց հանգստի կազմակերպման համար մեծ աշխատանք էին կատարում առողջարան-պրոֆիլակտորիումները: Այդ ուղղությամբ նպատակամղված աշխատանք էին կատարել Լենինականի շինտրեստի, Քաջարանի մսի-կաթի կոմբինատի, Նրեանի էլեկտրալամպերի գործարանի կուսակցական և արհմիութենական կոմիտեները: Այդ ձեռնարկությունների նորակառույց առողջարան-պրոֆիլակտորիումներում իրենց հանգիստն անցկացրին և բուժվեցին շատ բանվորներ ու ծառայողներ:

9-րդ հնգամյակում հանրապետությունում ընդլայնվեց պիոներական ճամբարների ցանցը, ամրապնդվեց դրանց նյութական բազան, ավելի բազմազան դարձան դպրոցականների ամառային հանգստի կազմակերպման ձևերը: Պիոներական մշտական ճամբարների թիվը հանրապետությունում ավելացավ 75-ից հասնելով 98-ի²⁶: Հնգամյակի տարիներին շահագործման հանձնվեցին կուսուղարայի աշխատողների արհմիության հանրապետական կոմիտեի՝ Աղվերքյանի պիոներական ճամբարի 350 տեղանոց շենքը, Լենինականի գոթայային ֆաբրիկայի «Արբանյակ» և Հայկոռպի «Զեփյուռ» պիոներական ճամբարների նոր. ննջամասնաշենքերը:

Արհմիությունների հանրապետական խորհուրդը, ՀԿԿՄ Կենտկոմի բյու-

22 «Коммунист», 28.II.1971.

23 ՀԱՄԽ-ի միացյալ արխիվ, ֆ. 1, ց. 3, գ. 125, թ. 290:

24 Նույն տեղում, գ. 99, թ. 16:

25 Նույն տեղում, գ. 105, թ. 14:

26 Նույն տեղում, գ. 125, թ. 305:

րոյի հետ համատեղ, ամեն տարի հանրագումարի էր բերում պիոներական-ճամբարների աշխատանքի արդյունքները, Պիոներ-դպրոցականների հայրենասիրական, ինտերնացիոնալ, գեղագիտական, աշխատանքային և ֆիզիկական դաստիարակության ուղղությամբ մեծ աշխատանք կատարեց անտառանյութի, ցելյուլոզայի և փայտամշակման արդյունաբերության բանվորների արհմիության հանրապետական կոմիտեի «Հայկական արտեկ» պիոներական ճամբարը։ Այնտեղ հանգստանում էին պիոներներ ու դպրոցականներ՝ մեր երկրի տարբեր հանրապետություններից, ինչպես նաև նրանց հասակակիցներն արտասահմանյան երկրներից։ 1972 թ. անտառանյութի, ցելյուլոզայի և փայտամշակման արդյունաբերության բանվորների արհմիության հանրապետական կոմիտեի որոշմամբ հանդիսավորությամբ նշվեց «Հայկական արտեկ» 20-ամյակը։ Այդ առթիվ հանրապետական կոմիտեի ընդունած որոշման մեջ նշվում էր, որ 20 տարվա ընթացքում ճամբարում հանգստացել է 27000 երեխա։ «Հայկական արտեկը» դարձել է հանրապետության պիոներների և դպրոցականների ինտերնացիոնալ և հայրենասիրական դաստիարակության իսկական կենտրոն²⁷։ Այն կարևորագույն խնդիրների թվում, որ կոմունիստական կուսակցությունը դրել է արհմիությունների վրա, հատուկ տեղ է գրավում մեր երկրի աշխատավորների ֆիզիկական դաստիարակության կազմակերպումը։ Ֆիզկուլտուրային շարժման սպարեղում արհմիությունների աշխատանքի համար գործողությունների ընդարձակ ծրագիր են կուսակցության և կառավարության որոշումները։ Առաջնորդվելով այդ որոշումներով, Հայաստանի արհմիութենական սպորտային ընկերությունները մեծ աշխատանք էին կատարում աշխատավորների ֆիզիկական դաստիարակության ուղղությամբ։ 9-րդ հինգամյակի տարիներին այդ ընկերություններում ու մարզական ակումբներում պատրաստվեց 14 միջազգային կարգի սպորտի միջապետ, 241 ՍՍՀՄ սպորտի վարպետ, 887 վարպետության թեկնածու, 1267 առաջին կարգային։ Կամավոր մարզական ընկերությունների և արհմիութենական կազմակերպությունների տրամադրության տակ էին 12 մարզադաշտ, 121 մարզադահլիճ, 22 լուսավազան, տարբեր մարզաձևերի 954 խաղահրապարակ։ Հանրապետությունում գործում էր 26 արհմիութենական մարզադպրոց²⁸։

Աշխատավորների ֆիզիկական դաստիարակության ուղղությամբ Հայաստանի արհմիությունների աշխատանքում կարևոր տեղ էր գրավում ՍՄԿԿ Կենտկոմի և ՍՍՀՄ Միևիստրների խորհրդի 1972 թ. ապրիլի 12-ի՝ «Պատրաստ աշխատանքին և ՍՍՀՄ պաշտպանությանը» ֆիզկուլտուրային համամիութենական նոր համալիրի կիրառման մասին» որոշման իրականացումը։ Որոշման ընդունումից հետո արհմիությունների հանրապետական և տեղական կոմիտեներն ու կամավոր ընկերությունների խորհուրդներն անհրաժեշտ միջոցներ ձեռնարկեցին ՊԱՊ համամիութենական համալիրի ներդրման ուղղությամբ։ Անցկացվեց պրոպագանդիստական լայն կամպանիա՝ նորմաների մասսայական ուսումնասիրման և հանձնման նպատակով։ Ֆիզկուլտուրային բոլոր կոլեկտիվներում ու մարզական ակումբներում 1972 թ. մարտ-ապրիլ ամիսներին հրավիրվեցին ֆիզկուլտուրիկների ընդհանուր ժողովներ՝ նոր համալիրի էության պարզաբանման նպատակով։ Ձեռնարկություններում, արհմիությունների ֆարերկազործարանային տեղական կոմիտեներին առընթեր, ստեղծվեցին ՊԱՊ համալիրի ներդրման հատուկ հանձնաժողովներ։ Իրականացված միջոցառումները պատշաճ արդյունքներ տվեցին և 9-րդ հինգամյակի տարիներին Հայաստանում 134 հազար մարդ կատարեց ՊԱՊ համալիրի նորմաները²⁹։

Հայաստանի արհմիութենական ընկերությունների մարզիկները ակտիվ մասնակցություն ունեցան ՍՍՀՄ ժողովուրդների 5-րդ սպարտափառային։ Եզրափակիչ մրցումներին մասնակցած արհմիութենական մարզական ընկե-

27 ՄՍՀՀ ՀՀՍՀ ՊԿԱ, ֆ. 389, ց. 2, գ. 5, թ. 226—232։

28 ՀԱՄԽ-ի միացյալ արխիվ, ֆ. 1, ց. 3, գ. 125, թ. 303։

29 Նույն տեղում։

րությունների 163 մարզիկներ նվաճեցին հանրապետության մարզական պատվիրակության վաստակած միավորների 40%-ը: «Սպարտակ» և «Բուրեվիստներկ» կամավոր մարզական ընկերությունների 5 մարզիկներ արժանացան մրցանակալին տեղերի՝ նվաճելով 2 ոսկե, 2 արծաթե և մեկ բրոնզե մեդալ³⁰:

Հայաստանի կուսակցական և արհմիութենական կազմակերպությունների կողմից որոշակի աշխատանք տարվեց ի կատարումն ՍՄԿԿ կենտկոմի, ՍՍՀՄ Մինիստրների խորհրդի և ՀԱՄԿ-ի 1969 թ. մայիսի 30-ի՝ «Երկրում տուրիզմի և էքսկուրսիաների հետագա զարգացման միջոցառումների մասին» որոշման: Այդ որոշմամբ նախատեսվում էր տուրիստական-էքսկուրսիոն գործի հետագա զարգացումը, տուրիզմի նյութական բազայի ամրապնդումը մեր հրկրում: 9-րդ հնգամյակի տարիներին հանրապետության կուսակցական և արհմիութենական մարմինների նպատակամղված աշխատանքի շնորհիվ Հայաստանում իրականացվեցին մի շարք միջոցառումներ, որոնց հետևանքով նշանակալիորեն բարձրացավ տուրիստական ուղեգրերով հանրապետություն այցելող զրոսաշրջիկների, ինչպես նաև էքսկուրսիոն-տուրիստական միջոցառումների մասնակցող աշխատավորների թիվը: Հնգամյակի ճգնաժամից աշխատանքում մեծապես բարձրացան Հայաստանում զրոսաշրջիկներ ընդունելու հնարավորությունները: էքսկուրսիոն-տուրիստական միջոցառումներին, ընդհանուր առմամբ, մասնակցեց 2 մլն մարդ³¹:

Այսպիսով 9-րդ հնգամյակի տարիներին Հայաստանի արհմիությունները զգալի դեր խաղացին հանրապետության տնտեսական վերելքի, աշխատավորության նյութական բարեկեցության աճի, աշխատանքի, կենցաղի ու հանգրստի պայմանների բարելավման գործում և, դրանով իսկ, մեծ լուսման ներդրեցին կուսակցության սոցիալական քաղաքականության իրագործման ասպարեկում:

ДЕЯТЕЛЬНОСТЬ ПРОФСОЮЗНЫХ ОРГАНИЗАЦИЙ АРМЕНИИ ПО ОСУЩЕСТВЛЕНИЮ СОЦИАЛЬНОЙ ПОЛИТИКИ ПАРТИИ (1971—1975)

РУБЕН МИРЗАХАНЫАН

Резюме

В период между XXIV и XXV съездами КПСС профсоюзные организации Армении приняли активное участие в реализации социальной политики партии. Осуществляя решения XXIV съезда КПСС, профессиональные союзы республики проделали значительную работу по совершенствованию организации оплаты труда и пенсионного обеспечения трудящихся. Серьезное внимание уделялось вопросам охраны труда рабочих и служащих. За годы девятой пятилетки на мероприятия по охране труда было внедрено 65 млн. рублей, производственный травматизм по республике снизился в три раза. Профсоюзными организациями республики осуществлялся деятельный контроль над сетью общественного питания. Определенная работа была проделана по контролю за жилищно-бытовым строительством, распределением квартир, улучшению работы предприятий торговли и бытового обслуживания, однако в целом деятельность профсоюзов республики в этой области была мало удовлетворительной. За годы девятой пятилетки бюджет социального страхования республиканского совета профсоюзов возрос на 71,4%, достигнув 120 млн. рублей. В изучаемый период расширилась сеть пионерских лагерей, укрепились их материальная база. Большая работа по физическому воспитанию трудящихся была проделана профсоюзными спортивными обществами.

³⁰ Նույն տեղում, ց. 2, գ. 63, թ. 7:

³¹ «Սովետական Հայաստան», 21. IX. 1975: